



19. juli 2018

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqquteqaatit:

- 1. Naalakkersuisut ilinniaqqiffissaasinnaasunik soorlu Niuernermik ilinniarfik aammalu savimminilerinermik ilinniarfittut ittunik sanaartornissamik pilersaaruteqarnerlutik?**
- 2. Naalakkersuisut qanoq akeqassanersoq nalilerpaat nutaamik ullutsinnullu naleqquttumik ilinniaqqiffiusinnaasunik soorlu Niuernermik ilinniarfik Nuummi Qaqortumilu aammalu savimminilerinermik ilinniarfimmik Nuummi pilersitsisoqassagalarpat?**
- 3. Naalakkersuisut ilinniaqqiffissanik pilersitsinissamik pilersaaruteqarnerlutik soorlu Savalimmiuni Glasir assigalugu pitsaasunik malitseqarsinnaasunik kinguneqarsinnaasut¹? Taamaappat pilersaarutit sumut killinnerinik Naalakkersuisut saqqummiussinisaat piumaffigaakka.**
- 4. Apeqquteqaat 55/2018 akineqarnerani Naalakkersuisut saqqummiuppaat kollegiani ineqarfiit pisariaqartinneqartut aammalu ukiut qulit ingerlaneranni pingasunut agguataakkamik 1,2 milliardit angullugit amigaateqarnerup matussusernissaanut aningaasartuuteqartoqassasoq. Naalakkersuisut qaqugu agguataakkat siulliat aallartinniartaat, aammalu qanoq aningaasalerneqarniarpa?**
- 5. Naalakkersuisut ilinniaqqiffissat aammalu kollegiaqarnermut tunngasunik allanik paasisutissiisinaanerlutik?**

Inatsisartunut ilaasortaqaq Randi Vestergaard Evaldsen, Demokraatit)

Tunngavilersuut

Nuummi Aasianni Qaqortumilu ilinniarnertuunngorniartut ilinniartinneqarnissaminnut atugarissaartitaapput. Tamanna nuannaarutigaa, ilinniartinneqarnissamummi atugarissaarneq aamma ullormut ilikkagaqarnissamut timitalersueqataasamat. Ilimagaaralu tamanna inuusuttut ilinniagaqarnissaannut matussuseeqataasartoq.

Ilinniartulli tamarmik taamatut atugarissaartuunngillat. Nuummi Qaqortumilu Niuernermik Ilinniarfik aammalu Nuummi Savimminilerinermik ilinniarfik initaat ilinniarnernup tunngavianut tulluarsagaanatik sananeqarsimapput, taamatuttaarlu ilikkagaqarnissamut malitseqartiutsinnaaner at killeqarluni.

Tamanna tunngavilersuutigalugu oqarusuppunga Savalimmiuni Glasir assigalugu atugassarititat pitsanngorsaaviginissaanut suut periarfissaanersut misissortariaqalivikkipput.

Qanoq pisoqaraluarpalluunniit uanga isumanni ilinniartuutigut atugassarititat ullumimiit pitsaanagerusut pigisariaqaraluarpaat, (Ilinniarnertuunngorniartut atugassarissaartut eqqaassanngikkaanni).

Kollegiani inissaaleqineq qularutigineqarsinnaanngilaq. Inissat amerlasuut. Ilumoorsinnaanngilaq ilinniartut amerlasuut angajoqqaaminni ineqartariaqartassasut imaluunniit ilinniariaternermi ineqarnissaq sulil nalornissutigineqartassasoq.

¹ <https://www.archdaily.com/362611/biq-breaks-ground-on-faroe-islands-education-centre>



Apeqquumi nr. 200/2015 Naalakkersuisoq akivoq 1000 sinnerlugit kollegiani inissat amigaatigineqartut² – aammalu apeqquut 55/2018 akissutaa aallaavigalugu tamanna allanngungaarsimangilaq³.

Tamanna tunngavigalugu Naalakkersuisut qineqartumut qanoq pilersaaruteqarnersut paaserusulluinnarpara.

Apeqquutit ullut qulit suliffiusut iluanni akineqareersimanissaat kissaatigineqarpoq.

² https://ina.gl/documents/para3637/2015/spm/200_kollegier_rave_kal.pdf

³ https://ina.gl/documents/para3637/2018/spm/055_2018_nuummi_kollegiat_mimi_kal.pdf